

CYNGOR SIR YNYS MÔN

Adroddiad i:	PWYLLGOR GWAITH
Dyddiad:	27 MEDI 2022
Pwnc:	MONITRO CYLLIDEB Y CYFRIF REFENIW TAI, CHWARTER 1 2022/23
Aelod(au) Portffolio:	Y CYNGHORYDD ROBIN WYN WILLIAMS – AELOD PORTFFOLIO (ADNODDAU)
Pennaeth Gwasanaeth / Cyfarwyddwr	MARC JONES – CYFARWYDDWR SWYDDOGAETH (ADNODDAU)
Awdur yr Adroddiad: Ffôn: E-bost:	BETHAN HUGHES OWEN 01248 752663 BETHANOWEN2@YNYSMON.LLYW.CYMRU
Aelodau Lleol:	Amherthnasol

A –Argymhelliad/argymhellion a rheswm/rhesymau

1. Gofynnir i'r Pwyllgor Gwaith nodi'r canlynol:-

- (i)** Y sefyllfa a nodir mewn perthynas â pherfformiad ariannol y Cyfrif Refeniw Tai (CRT) ar gyfer chwarter 1 2022/23.
- (ii)** Yr alldro a ragwelir ar gyfer 2022/23.
- (iii)** Cymeradwyo'r gostyngiad yn y gyllideb gyfalaf o £4,704k fel y nodir ym mharagraff 9.2.

2. Cefndir

- (i)** Mae'r adroddiad hwn yn dangos cyllideb refeniw sydd â gwarged a gynlluniwyd o £6,218k.
- (ii)** Y gyllideb gyfalaf ar gyfer 2022/23 yw £15,034k. Roedd hyn i'w gyllido'n rhannol gan grantiau (£2,688k).
- (iii)** Roedd cyfuniad o'r gyllideb refeniw a'r gyllideb gyfalaf wedi'i haddasu yn rhoi diffyg a gynlluniwyd o £6,128k yn y gyllideb, a fyddai'n cael ei gyllido o gronfa wrth gefn y CRT.
- (iv)** Mae'r gyllideb wedi cael ei hadolygu ers llunio'r cynllun busnes 30 mlynedd. Rydym yn argymhell bod y Pwyllgor Gwaith yn cymeradwyo'r newidiadau a ganlyn:-
 - (a)** Gostwng y gyllideb gyfalaf ar gyfer prynu a datblygu eiddo newydd gan £4,704k i adlewyrchu capasiti'r gwasanaeth i gyflawni prosiectau yn ystod y flwyddyn ac oedi i rhai brosiectau. Gweler fwy o fanylion yn adain 9.2 isod.
 - (b)** Gostwng y gyllideb incwm Annedd gan £41k, er mwyn adlewyrchu bod llai o eiddo'n cael eu comisiynu nag a ddisgwyliwyd pan ddatblygwyd y cynllun;
 - (c)** Cynyddu'r gyllideb Cynnal a Chadw gan £260k, i adlewyrchu'r cynnydd mewn costau a dyletswyddau cyfreithiol newydd (gofnion profion trydanol newydd er enghraifft);
 - (ch)** Cynnydd o £117k yn y gyllideb i gwrdd â chostau'n gysylltiedig â'r Ddeddf Rhentu Cymru newydd a meddalwedd newydd.
- (v)** Mae'r CRT wedi'i glustnodi i'w ddefnyddio ar gyfer dibenion penodol ac ni ellir trosglwyddo arian o'r cronfeydd wrth gefn i'r Gronfa Gyffredinol, ac ni ellir defnyddio'r Gronfa Gyffredinol i gyllido'r CRT.

3. Mae'r adroddiad hwn yn nodi perfformiad ariannol y CRT am y cyfnod 1 Ebrill 2022 i 30 Mehefin 2022.
- 4. Trosolwg**
- 4.1 Mae sefyllfa refeniw y CRT ar ddiwedd chwarter 1 yn dangos gorwariant o £49k o gymharu â'r gyllideb a broffiliwyd. Mae Atodiad A yn cynnwys mwy o fanylion.
- 4.2 Mae gwariant Cyfalaf £1k yn is na'r gyllideb a broffiliwyd. Mae'r gwariant a ragwelir £2,542k yn is na'r gyllideb, fel yr esbonnir isod. Mae Atodiad B yn cynnwys mwy o fanylion.
- 4.3 Mae'r diffyg a ragwelir (gan gyfuno refeniw a chyfalaf) yn £3,836k yn awr, £2,292k yn llai na'r gyllideb, yn bennaf oherwydd bod y gwariant cyfalaf yn is na'r gyllideb.
- 5. Incwm**
- 5.1 Ar ddiwedd y chwarter cyntaf, roedd lefel yr incwm a dderbyniwyd £14k yn is na'r gyllideb a broffiliwyd, fel y nodir isod.
- 5.2 Roedd incwm rhent £7k yn is na'r gyllideb a broffiliwyd ar ddiwedd chwarter 1. Adolygwyd y rhagolwg, ac mae'r incwm o £19,420k yn y gyllideb yn gyraeddadwy.
- 5.3 Mae'r ddarpariaeth ar gyfer dyledion drwg yn 1.5% o'r incwm rhent, ffigur tebyg i'r llynedd. Ar hyn o bryd, mae cyfanswm y dyledion rhent yn £894k, o gymharu â £856k yn ystod yr un cyfnod y llynedd, sef cynnydd o £38k. Oherwydd yr ansicrwydd ynghylch cyfradd chwyddiant a'i effaith tymor hir ar yr argyfwng costau byw, nid oes newid yn y rhagolwg ar hyn o bryd, ond cedwir llygaid arno, a bydd yn cael ei adolygu yn ystod y flwyddyn os yw lefel y dyledion yn awgrymu fod mwy o risg y bydd lefel uwch o ddyledion yn methu â chael eu casglu.
- 5.4 Y rhagolwg cyffredinol ar gyfer incwm yw sefyllfa gytbwys, gan y disgwylir i'r gyllideb gael ei chyflawni erbyn diwedd y flwyddyn.
- 6. Gwariant nad yw'n ymwneud â Gwaith Trwsio a Chynnal a Chadw**
- 6.1 Ar ddiwedd y chwarter cyntaf, roedd gwariant ar waith heblaw am waith trwsio a chynnal a chadw £49k yn is na'r gyllideb a broffiliwyd.
- 6.2 Mae gwariant refeniw arall yn dangos tanwariant bychan o £33k yn erbyn y gyllideb a broffiliwyd, ond disgwylir iddo gyd-fynd â'r gyllideb erbyn diwedd y flwyddyn.
- 6.3 Mae'r pennawd Cyfranogiad Tenantiaid yn dangos tanwariant o £14k ar ddiwedd chwarter 1. Fodd bynnag, mae lefel gweithgarwch yn dychwelyd i lefelau a welwyd cyn Covid ac, oherwydd bod lefel uwch o weithgarwch yn debygol yn ystod yr haf, disgwylir i'r cyfan o'r dyraniad cyllideb gael ei wario erbyn diwedd y flwyddyn ariannol.
- 7. Gwaith Trwsio a Chynnal a Chadw**
- 7.1 Mae gorwariant o £119k yn yr Uned Cynnal a Chadw Tai (UCChT) ar ddiwedd chwarter 1. Mae nifer yr archebion gwaith yn dilyn y cyfyngiadau Covid yn parhau i fod yn uchel, ac mae gwariant yn Chwarter 1 yn adlewyrchu cynnydd mewn gwaith cynnal a chadw ymatebol sy'n cael ei arwain gan y galw. Yn ogystal, roedd nifer yr eiddo gwag a maint y gwaith yr oedd angen ei wneud arnynt wrth newid tenantiaid yn uwch na'r disgwyliadau gwreiddiol yn ystod Chwarter 1 ac, yn nodweddiadol, roedd gwaith yn mynd rhagddo ar rhwng 40 a 50 eiddo ar unrhyw adeg. Disgwylir i gyfradd y gorwariant ddisgyn yn ystod y flwyddyn, ond mae'n ddoeth rhagweld gorwariant o £250k ar ddiwedd y flwyddyn.

7.2 Roedd gwariant ar staff cynnal a chadw adeiladau nad ydynt yn rhan o'r UCCHT £28k yn is na'r gyllideb a broffiliwyd ar ddiwedd chwarter 1. Mae problemau recriwtio staff yn y maes hwn ac mae'r gyllideb yn cael ei hadolygu er mwyn arfarnu'r goblygiadau ariannol erbyn diwedd y flwyddyn.

8. Addasiadau Diwedd Blwyddyn

8.1 Mae'r pennawd hwn yn cynnwys eitemau o wariant (costau cyllido cyfalaf ac ailgodi tâl o'r Gronfa Gyffredinol) sy'n rhan o'r broses gyfrifo ar ddiwedd y flwyddyn. Ni ragwelir unrhyw newidiadau ar hyn o bryd.

9. Gwariant Cyfalaf

9.1 Cyfanswm y gyllideb gyfalaf yw £15,034k a oedd yn cael ei gyllido o'r Lwfans Atgyweiriadau Mawr (£2,688k) a chyfraniad o gronfa wrth gefn y CRT (£12,346k). Mae'r rhagolwg wedi cael ei adolygu, a'r cyfanswm newydd yw £12,492k, £2,542k yn is na'r gyllideb. Nodir yr amrywiadau mwyaf isod.

9.2 Mae'r gyllideb ar gyfer adeiladu unedau newydd wedi ei leihau £4,704k oherwydd y ffactorau isod

- Cafodd y rhaglen ei hadolygu er mwyn ystyried y capasiti o fewn y gwasanaeth i ddarparu'r rhaglen yn llawn, gan leihau'r gyllideb o £954k;
- Bryn Glas, Brynsiencyn, caniatwyd £750k o gyllid ar gyfer y cynllun hwn ond mae trafodaethau gyda'r datblygwr ynglŷn â'r gost wedi methu felly mae'n annhebygol y bydd y cynllun hwn yn symud ymlaen yn ystod y flwyddyn ariannol hon, gan arwain at danwariant o £750k;
- Ffordd y Brenin, Caergybi, mae oedi ar y cynllun hwn gan fod y gwaith modelu lliniaru llifogydd sy'n cael ei wneud gan yr adran Briffyrdd yn effeithio ar y safle hwn. Mae'r gwasanaeth yn rhagweld tanwariant o £500k ar gyfer y flwyddyn;
- Mae'r contractwr ar gyfer y cynllun Penrhos Stanley wedi dweud yn awr na fydd y gwaith yn cychwyn tan fis Ionawr 2023, gan olygu y disgwylir tanwariant o £1,500k ar y gwaith yn 2022/23;
- Gofynnwyd am wybodaeth ychwanegol am y gwaith ar hen safle Ysgol Niwbwrch ac Ysgol Thomas Ellis. Bydd hyn yn arwain at oedi cyn dechrau'r gwaith, gan arwain at danwariant o £1,000k;
- Lôn Lwyd, Pentraeth, menter ar y cyd rhwng CSYM a Chlwyd Alyn. Mae gwaith yn mynd rhagddo'n dda iawn ar y safle, ond roedd oedi wrth brynu tir a, hyd yma, nid yw CSYM wedi cyfrannu at y datblygiad hwn fel y cynlluniwyd yn y gyllideb. O'r herwydd, mae tanwariant o £500k yn chwarter 1. Disgwylir y bydd y cyllid wedi'i wario'n llawn yn ystod y flwyddyn.

9.3 Mae oedi ar brosiect SATC tra bod y cynllun ar gyfer rhaglen ceginau newydd wedi eu cwblhau. Roedd hyn, yn wreiddiol, yn cynnwys 135 eiddo. Mae dyluniadau cegin manwl bellach wedi'u cwblhau ar gyfer y mwyafrif o denantiaid sydd am gymryd rhan yn y cynllun, a bydd y gwaith hwn yn parhau yn 2023/24. Yn anffodus, mae mynediad i sawl eiddo i gwblhau dyluniadau gosodiadau cegin wedi bod yn broblematic.

- 9.4** Mae'r gyllideb Perfformiad Ynni yn dibynnu ar ymgynghori â'r Gweithredwr Rhwydwaith Ardal (DNO) cyn gosod paneli Solar PV i gynhyrchu trydan adnewyddadwy. Yn anffodus, mae cael cymeradwyaeth DNO i ymgymryd â gwaith Solar PV ar raddfa fawr wedi bod, ac yn parhau i fod, yn anodd oherwydd gofyniad i atgyfnerthu'r rhwydwaith cyn gosod Solar PV. Mi fydd Gwasanaethau Tai yn parhau i gysylltu gyda'r DNO er mwyn dod o hyd i ddatrysiaid fyddai'n hwyluso gwelliannau effeithlonrwydd ynni ynghyd â gostyngiadau carbon.
- 9.5** Mae'r gyllideb cynnal a chadw a gynlluniwyd gan y sector gyhoeddus a gymeradwyir ar gyfer 2022/23 yn swm o £9.555m. Yn ystod chwarter 1, parhaodd gwaith cynnal a chadw arfaethedig allanol mawr yn Llangoed a Llandona ar y safle, gyda disgwyl cwblhau ymarferol yn ystod chwarter 2. Parhaodd contract i ailosod dros 300 o foeleri nwy ar y safle a symudodd ymlaen yn dda yn ystod chwarter 1. Mae'r prif contract cynnal a chadw arfaethedig traddodiadol a drefnwyd ar gyfer 2022/23 yn cynnwys eiddo ym Mae Cemaes. Cwblhawyd dogfennau tendro yn ystod chwarter 1 ar gyfer Cam 1, ac mae'r adran Dai yn disgwyl tendro'r gwaith a dyfarnu'r contract yn ystod chwarter 2. Bydd Cam 2 y cynllun yn dilyn cwblhau'r cam cyntaf gyda'r wobr contract ar gyfer y cam hwn yn cael ei raglennu ar gyfer chwarter 4. Mae'r adran Dai yn derbyn y bydd ymgymryd â'r gwaith dros ddau gam ar gyfer profiad logistaidd a thenant yn effeithio'n negyddol ar wariant cyllideb cynnal a chadw arfaethedig traddodiadol.
- 9.6** Mae'r gyllideb amgylcheddol yn caniatáu buddsoddiad sylweddol sydd yn cynnwys uwchraddio trefniadau gwaredu carthion yng Ngharreglefn er mwyn cydymffurfio â'r gofynion a nodir gan Cyfoeth Naturiol Cymru (CNC). Mae'r ateb arfaethedig yn cynnwys trafodaethau gyda pherchennog tir preifat a llwyddo i sicrhau Trwydded i'r cynllun gan CNC. Ar ddiwedd chwarter 1, mae Gwasanaeth Tai yn credu y byddai yn ddoeth amcan tanwariant ar ddiwedd y flwyddyn.
- 9.7** Mae'r tanwariant ar wariant cyfalaf yn golygu gostyngiad tebyg yn y sŵn sydd i'w gyllido o'r cyfrif refeniw CRT. Mae'r balans ar gael wedyn i gyllido prosiectau sydd wedi eu gohirio tan y flwyddyn nesaf.

10. Balans y CRT

- 10.1** Roedd balans agoriadol cronfa wrth gefn y CRT yn £12,333k. Roedd y gyllideb ddiwygiedig yn caniatáu ar gyfer defnyddio £6,128k o'r balans hwn. Fodd bynnag, bydd y rhagolygon diwygiedig a nodir uchod yn defnyddio £3,836k yn unig. Mi fydd hyn yn gadael balans o £8,497k yn y gronfa wrth gefn ar ddiwedd y flwyddyn ariannol. Mae'r balans hwn wedi'i glustnodi ar gyfer dibenion penodol, felly, nid yw ond ar gael i gyllido gwariant y CRT yn y dyfodol.

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod a/neu ddewis yr opsiwn hwn?

Amherthnasol

C – Am ba reswm y mae hwn yn benderfyniad i'r Pwyllgor Gwaith?

Mae'r mater hwn wedi'i ddirprwyo i'r Pwyllgor Gwaith.

Ch – A yw'r polisi hwn yn gyson â'r polisi a gymeradwywyd gan y Cyngor llawn?

Ydi

D – A yw'r penderfyniad hwn o fewn y gyllideb a gymeradwywyd gan y Cyngor?

Ydi

Dd – Aseu'r effaith posib (os yw'n berthnasol)		
1	Sut mae'r penderfyniad hwn yn effeithio ar ein hanghenion tymor hir fel Ynys?	Mae hwn yn adroddiad ar gyfer monitro yn unig ac mae'n cael ei ddefnyddio gydag adroddiadau eraill i lunio cynllun busnes y CRT ac i osod y gyllideb flynyddol. Wrth osod y gyllideb flynyddol, bydd anghenion tymor hir yr Ynys yn cael eu hasesu.
2	A yw hwn yn benderfyniad y rhagwelir y bydd yn atal costau / dibyniaethau ar yr Awdurdod yn y dyfodol. Os felly, sut?-	Amherthnasol
3	A ydym wedi bod yn cydweithio â sefydliadau eraill i ddod i'r penderfyniad hwn, os felly, rhowch wybod gyda phwy:	Amherthnasol
4	A yw dinasyddion Ynys Môn wedi chwarae eu rhan wrth ddrafftio'r ffordd hon ymlaen, gan gynnwys y rhai hynny y mae'r penderfyniad hwn yn cael effaith uniongyrchol arnynt. Esboniwch sut:-	Mae'r Gwasanaeth Tai yn ymgynghori'n rheolaidd â'i denantiaid ac mae canlyniadau'r ymgynghoriadau hynny'n cael eu bwydo i'r broses gynllunio busnes ac yna i'r broses o osod y gyllideb flynyddol.
5	Nodwch unrhyw effaith y gallai'r penderfyniad hwn ei gael ar y grwpiau a warchodir o dan Ddeddf Cydraddoldeb 2010.	Amherthnasol
6	Os yw hwn yn benderfyniad strategol, nodwch unrhyw effaith y gallai'r penderfyniad ei gael ar y rhai hynny sy'n profi anfantais economaidd-gymdeithasol.	Amherthnasol
7	Nodwch unrhyw effaith y gallai'r penderfyniad hwn ei gael ar gyfleoedd i bobl ddefnyddio'r Gymraeg ac ar beidio â thrin y Gymraeg yn llai ffafriol na'r Saesneg.	Amherthnasol
E – Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dîm Arweinyddiaeth (UDA) (gorfodol)	Mae'r Uwch Dîm Arweinyddiaeth wedi ystyried yr adroddiad yn ei gyfarfod ar 5 Medi 2022 ac ymgorfforwyd y sylwadau a wnaed yn yr adroddiad.
2	Cyllid / Adran 151 (gorfodol)	Amherthnasol – adroddiad y Swyddog 151 yw hwn.
3	Cyfreithiol / Swyddog Monitro (gorfodol)	Mae'r Swyddog Monitro'n aelod o'r Uwch Dîm Arweinyddiaeth.
4	Adnoddau Dynol (AD)	Amherthnasol
5	Eiddo	Amherthnasol
6	Technoleg Gwybodaeth a Chyfathrebu	Amherthnasol
7	Caffael	Amherthnasol
8	Sgriwtini	Mae canlyniadau adroddiad monitro chwarterol y CRT yn cael eu hadrodd i'r Panel Sgriwtini Cyllid.
9	Aelodau Lleol	Amherthnasol
F – Atodiadau		
<ul style="list-style-type: none"> • Atodiad A – Gwariant a rhagolygon Refeniw hyd at ddiwedd Chwarter 1 2022/23 • Atodiad B – Gwariant a rhagolygon Cyfalaf hyd at ddiwedd Chwarter 1 2022/23 		
Ff – Papurau Cefndir (cysylltwch ag awdur yr adroddiad am unrhyw wybodaeth bellach):		
<ul style="list-style-type: none"> • Cynllun Busnes 30 Mlynedd y CRT 2022/52 (fel y'i cymeradwywyd gan y Pwyllgor hwn ym mis Mai 2022). 		

CYFRIF REFENIW TAI 2022/23

	Cyllideb Flynyddol 2022/23	Cyllideb a broffilwyd hyd Mis 3	Gwir wariant hyd Mis 3	Amrywia nt hyd Mis 3	Rhagolwg diwedd y flwyddyn	Amrywiant Diwedd y flwyddyn
	£	£	£	£	£	£
CYFRIF REFENIW						
Incwm						
Anheddau	(19,420,000)	(4,955,984)	(4,948,757)	7,227	(19,420,000)	0
Garejys	(223,000)	(56,909)	(57,709)	(800)	(223,000)	0
Taliadau Gwasanaeth	(201,000)	(51,294)	(51,417)	(123)	(201,000)	0
Arall	(207,860)	(27,933)	(20,089)	7,844	(207,860)	0
Darpariaeth ar gyfer Dyledion Drwg	296,000	0	0	0	296,000	0
CYFANSWM INCWM	(19,755,860)	(5,092,120)	(5,077,972)	14,148	(19,755,860)	0
Gwariant heblaw am Waith Trwsio a Chynnal a Chadw						
Cyfranogiad Tenantiaid	260,653	65,151	51,571	(13,580)	260,653	0
Gweinyddu Rhenti	500,013	124,841	123,585	(1,256)	500,013	0
Rheoli Stadau	180,788	45,121	44,728	(393)	180,788	0
Gwariant Refeniw Arall	1,770,934	304,492	270,971	(33,521)	1,770,934	0
Cyfanswm Gwariant heblaw am Waith Trwsio a Chynnal a Chadw	2,712,388	539,605	490,855	(48,750)	2,712,388	0
Gwaith Trwsio a Chynnal a Chadw						
Uned Cynnal a Chadw Tai (UCChT)	3,795,464	948,752	1,068,030	119,278	4,045,464	250,000
Staff Cynnal a Chadw Adeiladau (dim UCChT)	958,583	239,169	210,873	(28,296)	958,583	0
Gwaith Trwsio a Chynnal a Chadw Arall	793,655	213,022	205,721	(7,301)	793,655	0
Cyfanswm Gwaith Trwsio a Chynnal a Chadw	5,547,702	1,400,943	1,484,624	83,681	5,797,702	250,000
Addasiadau Diwedd Blwyddyn						
Taliadau Cyllido Cyfalaf	3,674,000	0	0	0	3,674,000	0
Ailgodi Tâl o'r Gwasanaethau Tai	790,630	0	0	0	790,630	0
Ailgodi Tâl o'r Gwasanaethau Canolog	812,831	0	0	0	812,831	0
Cyfanswm Addasiadau Diwedd Blwyddyn	5,277,461	0	0	0	5,277,461	0
CYFANSWM GWARIANT REFENIW	13,537,551	1,940,548	1,975,479	34,931	13,787,551	250,000
CYFANSWM REFENIW (GWARGED) / DIFFYG	(6,218,309)	(3,151,572)	(3,102,493)	49,079	(5,968,309)	250,000

CYFRIF GWARIANT CYFALAF						
Gwariant 2022/23	15,034,000	1,576,383	1,575,790	(593)	12,492,209	(2,541,791)
Lwfans Atgyweiriadau Mawr	(2,688,000)	0	0	0	(2,688,000)	0
Grantiau / Benthyciadau Eraill	0	0	0	0	0	0
CYFANSWM CYFALAF (GWARGED) / DIFFYG	12,346,000	1,576,383	1,575,790	(593)	9,804,209	(2,541,791)
(CYNNYDD) / GOSTYNGIAD NET YNG NGHRONFA WRTH GEFN Y CRT	6,127,691	(1,575,189)	(1,526,703)	48,486	3,835,900	(2,291,791)
Balans Agoriadol y CRT	(12,333,000)				(12,333,000)	
(Cynnydd) / Gostyngiad Net yng Nghronfa Wrth Gefn y CRT	6,127,691				3,835,900	
Balans Cau'r CRT	(6,205,309)				(8,497,100)	

Gwasanaeth	Cyllideb Flynyddol	Cyllideb a Broffilwyd	Cyfanswm Gwariant	Amrywiad i Broffil	Gwariant a Ragwelir	Rhagamcan Tan / Dros
	(£)	(£)	(£)	(£)	(£)	(£)
<u>Tai CRT</u>						
Contract Gwres Canolig	800,000	200,000	217,532	17,532	800,000	0
Contract Cynnal a Chadw wedi'i gynllunio	3,955,000	200,000	194,535	(5,465)	2,862,474	(1,092,526)
Gwella Perfformiad Ynni	1,000,000	50,000	52,178	2,178	662,178	(337,822)
Gwaith Amgylcheddol	870,667	60,000	59,894	(106)	612,676	(257,991)
Prynu eiddo Cyfredol / Datblygu Eiddo Newydd	5,479,000	750,000	747,465	(2,535)	5,479,000	0
Addasiadau Sector Gyhoeddus	400,000	80,000	81,173	1,173	400,000	0
Risg Tân	600,000	8,000	7,737	(263)	600,000	0
SATC	1,901,950	201,000	187,893	(13,107)	1,048,498	(853,452)
Cerbydau Uned Cynnal a Chadw Tai	27,383	27,383	27,383	0	27,383	0
Cyfanswm am CRT Tai	15,034,000	1,576,383	1,575,790	(593)	12,492,209	(2,541,791)

